

Tuhaqtitaujukhaq

Tuhagtitauhainagtukhaq

**Katimadjutit aularutijut haffumunga Hanaqidjutikkut
Hulidjutinun Upalungaijautit Iningnikhanun
Nunavunmi**

Iqaluit, Nunavut (Iidjirurvia 16, 2023) – Nunavut Kavamanga hivumuuliqtut uuktuutikhamingnik pinahuaqhutik Katujjiluta pinahuaqtainik hivulliutijakhat piliurlutik Qanuriliurutikhat Upalungaijautikhat Inirnikhaanut Nunavunmi. Tamna upalungairutikhaq malikhautiniaqtun ihumaliurutikharnik aulahimajut talvuuna Iningnikhat ilihairutikharnik ikajuutikharniklu auladjutikharnik taima Iningnikhat inuuhimaagianganik kinguliujunik ukiunganik idjuhiqaqtunik munagidjutikharniklu, qanitumun ilagaqtunik Nunavunmi.

Uumani havainirmi, kavamatkut katimapkaijut hivulliujut tallimanit avikturniinni katimapkaiplutik, aullaqtiquhutik Kivallirmi Inirnikhaat katimaqatigiiktut Kangiqlinirmi. Malruuk Inirniit tamainnit nunallaanit tikkuuqtauniaqtut ilaugiamikni avikturhimajuni katimajuni.

“Nunavunmiutat inirninguliqtun takujukhat pimmarikharutinik ubluq tamaat inuuhirmingni,” uqallaktuq Hivuliqti P.J. Akeeagok. "Una aullaqtiqtuq akuniraalungmut ihariagittinnagu ajuittiarhimajunut munariniq. Hivulliuqtaupluta Katujjiluta havagutiptiknin, kavamakput havangniaqtuq pipkaijaami angajuqqaavun ataattivut anaanattivullu inirninguliqtaagtun niamqilutik qajangnaittumilu aihimavingmingni.

"Havaktugut angmaumajumik hivitujunik-kikliqaqtunik munarivingnik agitijaami inirnikhaptiknik aihimaviptiknik, ilihimajugunlu piqangittugullu havagutunik ikajurutiniklu inirnikhaptiknun hamaniittun tadsja," Hivuliqti Akeeagok uqaqtuq. "Una parnaquti qinirniaqtuq ihuarhainikkut tahamaniittunik ikajurutikhanik nunallaani ikajurlunilu Inirnikhani pipkainikkut pinahuarutunik hulidjutiniklu tunihimajut GN-kunnin, Inuit timigutinin, haamlatkunnin, maniliurniarhimangittunilu."

